



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Mvtvis Petitionibus. Titulus III.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

temiam admittitur, l. in delictis, §. si contracta, ff. de no-
xa. Sunt autem aduentitia qualitates, quae nec vitiant,
nec mutant libellum: sed huic praeter necessitatem adijci-
untur.

Mutatio libelli regulariter ante litis contestationem,
non potest, admittitur: quibusdam casibus exceptis, quos
notant Dd. in l. edita, C. de edend. Quia licet contestan-
do quis instans, ex proprio contractu, adstringitur, l. 3.
§. idem ff. de peculio.

Homo rectus factus est, sed seipsum, propter suam ma-
litiā, in finis subiecit quaestionibus, cap. omnis aetas, 12.
quasi. 1.

Mutari dicitur libellus, si res prius per aliquam actio-
nem petitam, nunc peto per aliam, Specul. lib. 4. §. nunc
ostendamus.

Libellus non continens causam agendi, nomen Acto-
ris, vel Rei, vel aliquo alio vitio Forma laborans, iure non
subsistit, Spec. lib. 4. de libel. concep. §. fin. num. 1.

DE MUTVIS PETITIO- nibus.

Titulus IIII.

Continuatio.

AB Actore libello oblato, si Reus contendē-
dum existimet, nec habeat exceptiones iu-
re sibi competentes, quibus Actoris inten-
tionem confundere possit, vicissim Actorem ra-
tione rei, vel alicuius negotij obligatum apud

R 5 eundem

266 ANALYS. IURIS PONTIFICII
eundem iudicem, ne continentia iudicij diuida-
tur, reconuenire potest.

Quid est Reconuentio?

Reconuentio est, petitio Rei conuenti apud
iudicem conuentionis principalis, contra Acto-
rem, per vicissitudinem instituta, auth. & conse-
quenter, C. de sententijs & interlo.

Quæ causa Efficiens?

Est Reus conuentus, intercedente lege, quæ
coram eodem iudice inter Actorẽ & Reum mu-
tuas petitiones proponi introduxit. Cùm æqui-
tati consentaneum sit, cuius in agendo quis ob-
seruat arbitrium, eum habere etiam contra se iu-
dicẽ in eodem negotio non dedignetur, c. accusa-
tores, §. cuius in agẽdo, 3. q. 8. c. 1. & c. 2. extr. eod.

Quod Obiectum?

Quælibet causa, in qua ad rem, vel ius, vel ex
obligatione debitum, aliquid agi potest. Vnde
in criminalibus reconuentio non permittitur, &
neganda, 3. quæst. 11. Quia non relatione crimi-
num, sed innocentia Reus purgatur, l. is qui, ff.
de publicis iud. Nec in præiudicialibus actioni-
bus, quæ licet à Reis vicissim proponantur, ta-
men cum petitione Actoris tractari nõ possunt,
c. 1. extr. de extraord. cognit. Nec in spiritualib.
Ratio est. Quia de his laicus nõ potest cognosce-
re, vt est causa iuris patronatus, decimarum, ma-
trimonialis, & huiusmodi, c. decernimus, extr.
de iud. c. tua, de decimis, cap. relatum, §. ad hoc,
de iure patro. cap. grauem, extr. de excel. prælat.
Nec

Nec in quæstione spoliationis, quâ proposita, non habet locum reconuentio; nisi alia sit spoliatio, cap. super, extr. de ord. cogniti. Nec excommunicatus reconuenire potest, licet uti possit defensione, recusatione, & appellatione, cap. cum inter priorem, extr. de exception. Nec in possessione momentaneæ possessionis: nam si pupillus agit contra me, Vti possidetis, vel, Vnde vi, vel, Quod vi, aut clam, nō possum cum reconuenire, l. vlt. C. qui leg. perso. itan.

An autem in causa appellationis locum habeat reconuentio? Respondet Speculator, tit. de reconuention. §. nunc dicamus, numero sexto. Quod non probat l. 2. §. legatis, ff. de iudicijs. Quod intelligitur de eo, qui de causa iudicialis appellatiōis tantum cognoscere potest, de quo, antequam pronuntiet, dubium est, an sit iudex inter partes? cap. vt debitus, extr. de appellation. corameo verò, qui cognoscit de pronuntiatione, vel de tali appellatione extraiudiciali, in qua venit cognitio negotij principalis: putà, cum appellatur super prouisione huiusmodi, cap. statuimus, extr. de election. bene potest reconuentio fieri, cum sit certum eum iudicem partium esse, cap. accusatores, §. cuius in agendo 3. quæst. octaua, talis enim appellatio, est citatio ad causam. Denique coram laico reconuentioni non est locus, cap. cum dilectus, extr. de arbitr. Quod intelligas, nisi plenum compromissum factum sit de omnibus controuersijs, quæ inter Actorem, & Reum sunt: tunc enim non aliter auditur Actor, nisi se defendat, & reconuentione Rei respondeat,

l. si

l. si cum dies, §. plenum, ff. de arb. & l. non distin-
guemus, §. sed & compromissum illud, eod.

*Quæ Forma Reconventionis in Contestatione?
& quomodo in ea procedatur?*

Libello ab Actore oblato, Reus, si eum velit reconuenire, porrigat similiter ante litem contestatam libellum reconventionis: & deliberatione super utroque hinc inde habita, fiat primò litis contestatio super libello Actoris, & consequenter super libello reconventionis. Pari ratione in delatione iuramenti, probationibus, alijsq; actibus, obseruandum: ita quòd in vna eademq; die vtraque quæstio, quasi vna sententia, concordia, vel iudicio terminetur, extr. eod. c. 1. & c. 1. de causa possess. & propriet. c. cum Ecclesia, & c. dilectus, iuxta regulam: Qui prior appellat, prior agit, c. 2. extr. de ord. cog.

Et notandum hoc loco: quòd reconuentio generaliter fieri possit, antequàm in petitione Actor litem contestatus sit, postea verò nunquam, nisi libellus reconventionis sit antea porrectus: vel nisi protestatus fuerit de reconuentione facienda, c. per totum, extr. de mutuis petit. Licet Specular. etiàm post litis, contestationem, reconuentione fieri putet, per c. 1. extr. eod. per verb. & responsione facta. Sed eius opinio, quasi nulla ratione euidenti fulta, non est recepta.

*Quis Finis & Effectus Recon-
uentionis?*

1. Vt iudex vtranque causam, & conuentionis &

nis & reconuentionis vna sententiâ definiat. Quæ sententia licet non vna sit, sed duæ, varietate causarum inspecta, quæ simul feruntur super duabus quæstionibus, sese minimè contingētibus, & etiam si se contingant, putà, quia agitur petitorio, & possessorio super eadem re: tamen vna & eadē sententia dicitur, propter temporis continuatiōnem, Speculat. tit. de reconuent. §. videndum num. 4.

2. Quòd Reus conuentus impunè non respondeat petitioni Actoris, si is Rei conuenti per reconuentionem institutæ petitioni respōdere denegat, c. imperatorum, & c. fin. extr. de iuramentum calum.

AXIOMATA.

Quotiescunque vel per citationem, vel per libelli obligationem Actoris perpetuata est actio, toties reconuentionem Reus inchoare potest, c. cuius, 3. q. 8.

Non debet Actori licere, quod Reo non licet, 4. quæst. 4. cap. 2.

Non solum coram Ordinario, sed etiam Delegato reconuentionem admittitur, c. dispendia, de resc. in 6.

Vno & eodem tempore non est quis trabendus ad diuersa iudicia, c. fin. extr. de resc.

Qui prior appellat, prior agat, cap. cum dilecti, extr. de ordi. cog.

Clericus, ante litem contestatam, coram seculari iudice, potest à laico reconuermi, nisi sit causa spiritualis, vel alia, quæ coram Ecclesiastico iudice sit tractanda, c. decernimus, extr. de iud. c. tua, extr. de decimis.

Reconuentionem fieri potest apud quemlibet iudicem, co-

ram

270 ANALYS. IURIS PONTIFICII
tam quo fit conuentio principalis: non autem coram
bitro, qui non potest iudicare, nisi de his, qua in compro-
misso continentur, c. cum dilectus, extr. de arb. d. c. accu-
satores, 3. q. 8.

Cuius quis in agendo obseruat arbitrium, eundem
habere iudicem se in eodem negotio dedignari non de-
bet, d. c. accusatores 3 q. 8.

Causa conuentionis & reconuentionis eadem cau-
dici potest, eo quod idem iudex, ijdem litigatores, eadem
instantia, & vna sententia determinanda. Accedit, quod
prohibita appellatione in conuentione, prohibita etiam
in reconuentione censeatur, c. cum dilectus, extr. de orde-
cog. & c. 2. eod.

Iudex, qui non potest per modum conuentionis de cau-
sa cognoscere, consequenter, nec per modum reconuen-
tionis potest, c. si diligenti, extr. de foro comp

DE LITIS CONTESTA- tione.

Titulus V.

Continuatio.

Litis contestatio, cum sit principium & fun-
damentum iudicij, qua omissa, iudex, quasi
potestate iudicandi destitutus, causamq; contro-
uersam ignarus, non possit ad eius definitionem
procedere; litigatores illam nec expressim, nec ta-
cite praetermittere debent, per Afflic. decis. 2. 83.
nu. 4. & Rotam, decis. 88. num. 1.

Quid est Litis Contestatio?

Litis contestatio, est principalis negotij, apud
com-